

Estd : 1984

February 2012

RAMTHAR (Mission)



ramtharchanchinbu@gmail.com



**2012
BOARD HOTUTE LEH MISSIONARY TIRHCHHUAHTE**

Editorial Board 2012

Editor	:	Upa Zoramthanga	9436362385 (M)
Joint Editors	:	Upa R. Lalmalsawma	9436154179 (M)
		Upa Lalhriata	9863226630 (M)
News Editor	:	Pu Lalbiakenga Fânai	9436366234 (M)
Cir. Manager	:	Pu R. Lalchhanhima	8575013800 (M)
Publisher	:	Rev. Lalchhuanmawia	03892325899 (O)

Member-te

Rev. Thangzaupa	Synod Moderator
Rev. D.P. Biakkhuma	Synod Secretary (Sr.)
Rev. Lalzuithanga	Executive Secretary i/c Mission, etc.
Rev. K. Lalhmuchhuaka	BEC member
Upa C. Malsawmkima	BEC member

Kum khat lak man Rs. 50/-

* Thu chhuah tur nei chuan pheik lehlahm chauhva ziakin, Editor/Cir. Manager, Ramthar, Synod Office, Aizawl-796001, Mizoram, India hnenah emaw, E-mailramtharchanchinbu@gmail.com emaw, Fax No. 0389-2316410 & 2322132 hmanin a thawn theih e.

* Ramthar chanchinbua thu chhuahte hi a ziaktu mawhpurhna a ni.

A CHHUNGA THU AWMTE

1. Editor thuchang	3
2. Keimahni	4
3. Editorial Board ngenna	5
4. Chanchin lawrkhawm	6
5. <i>Buh hmun atangin</i>	
(1) Jubilee Model High School Jonai report tawi	9
(2) A pa puithiam, a fapa kohhran Upa	10
(3) Kan Mission rawngbawl dan hi	13
(4) Songoti khuua Setana nena indona	16
(5) Pathian thil mak tih	18
6. <i>Sermon</i> : Thupek ropui	20
Missionary-te Chanchin Tha tawktarh	21
7. Kan then tak	24
8. <i>Report</i> : Barak Area Meitei Gospel Silver Jubilee	26
Troibak crusade report leh Cambodia	29
9. Ramthar Field tlawh report	31
10. Missionary-te tana Ramthar bu laksaktute	(back cover inside)

Editor thuchâng:**THLAN TUR DIK**

Pathianin mihringte hi duhthlanna hmang thei turin min siam a. Duhthlanna kan hman dik leh dik loh hian kan hma hun lo kal zelah a chhe lam leh ṭha zawngin nghawng a nei ngei ṭhin a ni. Thlahtu bul Evi leh Adama-ten duh an thlan sual avangin lei pum pui hi anchhedawng a lo ni a. Chuvangin, Pathian râwn chung zela thutlukna kan siam ṭhin a ṭul reng a ni. Mosia chu mi thiam, Aigupta rama finna zawng zawng zir chhuak, lal ropui Pharoa rokhawmtu ni thei, khawvel hausakna tinreng chena a dam chhûng hun hmang thei a ni. Nimahsela, khawvel ral leh mai tura roreltu niha, dam chhûng rei lo tea sual nawmna hlimpui ai chuan lal thinurna pawh hlau lovin Krista tana hrehawm tinreng tuar chu a thlang ta zawk a. Mosia duhthlanna hi khawvel thlirna a ṭang chuan thil atthlak tak a ni ang.

Thutlûkna a siam a ṭang hian a dinhmun chu hrehawmna chi tinin a zui nghal a. Thlaler ni sa hnuaiah chaw ngheiiin Pathianin tih tur a pek Israel luhlul takte Aigupta a ṭanga Kanan hruai thleng turin a ṭhat lai hun zawng zawng chu a hmang ral ta a. A tawpah Israel-te hnenah Pathian ram tiam Kanan ram chu lut ve thei lovin ralkhatah a thlir a, Jordan luikam Pisgah a nun chu laksakin a awm ta a. Nimahsela, Mosia hian Aigupta ropuina zawng zawng aia a thlan, rinna mita a lo thlir ṭhin Lal Isua Krista chu a hmu chiang kher mai. Hmel danglamna ṭlangah lei leh van inkhawmpuia, van lam ai awha palai hna a rawn thawh ni meuh kha chuan Mosia chuan thlan tur dik chatuan nunna leh hnehtu lal lukhum chhe thei lo chu a chang ta tih kan hmu a ni.

Pathian râwn chung duhthlanna hmang ngai lo hma lam thlir thiamna nei lo mi chuan khawvel hi hrehawm takin a hmang ang a, van pawh an tan ṭahna ram a ni ang. Kan rawngbawlsaka te hian duhthlanna dik an hman theih nan ṭahnemngai takin Lalpa rawng i bawl zel ang u.

KEIMAHNI

1. Kum 2012 kan lo thleng leh ta a, Ramthar Chanchinbu chhiartu zawng zawngte Kum thar chibai kan buk a che u. He kum thar min hruai thlengtu Pathian chu fakin awm rawh se. Synod Mission Board Office pawh tluang takin a kal zel a, tawng tainaah min lo hre reng dawn nia.
2. A hnuaia thawktu tarlante hi kum 2012 January thla a tanging Synod Mission Board Hqrs. Office-ah an rawn bung thar a, a lawmawm hle. January 5 khan an hna an rawn zawm ta:
 - 1) Pu R. Lalchhanhima (Delhi Field a\angin)
- Ramthar Chanchinbu Circulation Manager turin.
 - 2) Pu H. Vanlalchhuanga (LCM H/S, Manipur a\angin)
- Supervisor of Schools turin.

Hqrs. Office-ah thawktu thar kan neih mek laiin Pi H. Lalngurliani leh Pu T. Zachhunga te chuan kumin a\angin pension-in min lo chhuahsan ta a, kan ui hle a ni.
3. Vanduaithl[^]k takin Ni. Laldinsangzuali, Ramhlun Venglai, Aizawl, Missionary l[^]k thar. Khasan, Assam & Arunachal East Field-a hna zawm tura kal chu Shillong daia Motor chetsualna avangin Aizawl an lo kir leh a, dam taka an awmna hmun tur an pan leh thuai theih nan i \awng\aisak ang u.
4. Kum 2012 chhung thawk turin Contract Missionary 96 l[^]k thar an ni a. Heng bakah hian Missionary Pastor tura Synod Inkhawmpuiin a ruat mi 11 nen (an zavaiin mi 107), January 8, 2012 (Pathianni) chawhnu khan Chanmari Kohhran Biak Inah anmahni tirschchhuahna inkhawm buatsaih a ni. Inkhawm kan \hahnem hle. Inkhawm hi Rev. Lalchhuanmawia, SMB Secretary-in a kaihruai a, Upa R. Lalmalsawma, SMB Coordinator-in tirschchhuahte inhmelhriatt^{\$}na hun hmangin Rev. Thangzauva, Moderator-in fuihna thuchah a sawiin a Tirschhuak a. Rev. Zosangliana Colney, Exe. Secretary-in tirschchhuahte tan \awng\aisakna hun a hmang a. Rev. Lalzuihanga, Exe. Secretary i/c Mission-in malsawmnain inkhawm a \in. Heng

- Missionary lâk tharte hi Jan. 9-13, 2012 chhûng khan J.M. Lloyd Hall (Synod Office chhâwng chung ber)-ah Orientation neihpui an ni a. Missionary Training College-a lecturer leh SMB hotuten he hun hi an hmanpui a ni. A telten hlawkthlâk an ti tih thu kan dawng a, a lawmawm hle.
5. Kan Missionary H. Lalrinengi, Staff Nurse, Våthuampui (HM 'S')-a thawk, kumina Uchathol (Barak Area-a sawn) chu a nu Pi C. Vanlalmangaihi (68) chuan Jan. 17, 2012 (Thawhlehi) khan Chawlhmunah a boralsan a, hemi ni vek hian vui liam a ni. I ̊awng ̊aisak ang u.
 6. Thawktu, an awmna leh an hna thawh tur siam remte pawhin an thawhna hmun tur ̊euh an thleng fel ta.

EDITORIAL BOARD NGENNA LEH THUPHA

Pathian hruainain kum 2012 kan lo thleng ta reng mai a, a lawmawm hle. Ramthar rawngbawlna lama tui thar pawh eng emaw zatin kan pung ngei turah beisei ila. Editorial Board chuan January 2012 chhuak Ramthar Chanchinbu nghâkhlel takin Kohhranhoin in lo thlir tih hre reng mah ila, Krismas leh Kum Thar chawl a, kum bul ̊an kan nih avangin duh hun takah thawhchhuah theih a nih loh avangin pawl kan tiin Kohhranho hriatthiamna a ngen tak zet a ni.

Kum a thar hi a tâwk mai lo va, Ramthar Chanchinbu la thar pawh kan pun a ngai a ni. Editorial Board chuan beisei takin 'Ramthar' latu kan pun ngei beiseina sâng tak nen Kohhranho a thlir reng a ni.

Missionary-te tâna Ramthar Chanchinbu lâksaktu mi mal /Pawl leh Kohhran pawh pung thar zel ila a va duhawm em.

Chutih laiin kum 2011 chhunga Ramthar Chanchinbu latu a man la pe lo zawng zawngin Ramthar rawngbawlna pawimawh tak a ni tih hriain, a rang thei anga pe turin ngen nawn leh in ni a. Kum 2012 a ̊ang chuan kum khat lak man Rs.50 a ni tawh tih pawh kan han inhriattir nawn leh a ni e.

Editor
'Ramthar'

CHANCHIN LAWRKHAWM

Uzbekistan sawrkarin a rama kohhrante Chanchin Tha puandarh a khap

Uzbekistan ram khawchhak lama thuneitute chuan an thuneihna huam chhunga kohhrante chu engti hawi zawng pawha Chanchin Tha puandarh hna thawk lo tur leh kohhrante chu an inkhawmnaah tleirawl leh naupang te te teltir lo turin a hriattir a, he thu hi nikum kum tawp lam khan Uzbekistan khawchhak lam chunga thuneitu ber, Deputy Head of Administration, Saidibrahim Saynazirov chuan Uzbekistan khawchhak lam Angren khawpuia Kristian sakhaw hrang hrang hruaitute a koh khawm tumin heng sakhaw hruaitute hi a hriattir a ni. Hemi tum hian he ram khawchhak lama Kristian sakhaw hrang hrang hruaitute zingah Catholic, Russian Orthodox, Presbyterian, Seventh-day Adventist leh Baptist kohhran hruaitute an tel a ni.

Thuneituten hetiang a kohhran inkhawma tleirawl leh naupang teltir an phal lohna chhan ber nia lang chu heng tleirawl leh naupang zawkte hi Kristiante inkhawmnaa an tel hian heng hun hi Kristiante hian hmanrua chi hrang hrang hmanga Kristian sakhuaa inlet tura thlemna leh Kristian sakhuaa hruai luhna remchangah an hman an hlauh thawng a ni ber a. Tin, kohhranhote pawh Chanchin Tha puandarh hna thawh an khap chhan ber pawh Uzbekistan rama Islam sakhua ni lo, Chanchin Tha a darh zel an hlauh vang a ni ber. Uzbekistan rama sawrkar thuneitute hian tum tam tak hetiang a Kristiante an chet hi an lo khapsak tawh a. Kristiante pawhin sawrkar thu hi ngaichang thiam thin hle mah se, dawh theih loh chin an nei ve thin a. Kum 2005 May thla khan Kristiante chunga sawrkar thupek an duh lohna lantir nan kawng an lo zawh tawh a, hemi tum hian sawrkar thuneitute chuan Kristiante chu firfiaka cheah puhin Kristian 190 lai kahhlum an ni nghe nghe a ni.

- *Worthy News*

Kum 2011 chhungin Indonesia leh India-ah Kristian tihduhdahna a hluar

Indonesia ramah kum 2011 chhung khan kum dang zawng aiin kawng hrang hrangin Kristiante chungah hleilenna a let deuh thawin a thleng nasa niin chhut mite chuan an chhut a. Kum 2011 chhung khan Indonesia rama Kristiante chuan biak in khar tur leh Pathian hming chhala Kristiante chu inhmukhawm lo tur tea vauna, Muslim firfiakho hnen atangin an dawng ngun hle a ni.

The Indonesian Protestant Church Union (PGI tia an sawi mai thin) chuan kum 2010-ah Indonesia ramah Kristiante chungah hleilenna tum 30 thlenga an chhinchhiah laiin, kum 2011-ah chuan Kristiante chungah hleilenna thleng zat hi tum 54 lai niin an chhinchhiah a ni.

Kum 2011 chhung khan Indonesia ramah hian Kristiante biak in halsak te, biak in sak lai tihtawpsak te, Kristian tihhlum te, Kristiante in leh lo tihchhiatsak tum eng emaw zat a thleng a. Heng bakah hian sakhaw tenau zawk chungah hleilenna pawh kum 2010-ah tum 198 thlenga chhinchhiah a nih laiin kum 2011-ah erawh chuan tum 276 lai a thleng niin chhinchhiah a ni. Indonesia rama Kristiante leh sakhaw tenau zawkte chungah hetiang taka hleilenna a thleng hi he ram khawpui, Jakarta-a inkuh, Setara Institute for Democracy and Peace (SIDP) hruaitute chuan sawrkar thiam loh niin an ngai a. SIDP hruaitu zinga pakhat chuan, "Indonesia rama Kristiante leh sakhaw tenau zawk chungah heti taka hleilenna a thleng hi a mak hlei nem. Hetiang thil thlentirtu, Islamic Defenders Front (IDF)-invuah ho hi Indonesia sawrkar hian a thlawp em em tlat alawm," tiin a ngaih dan tlang takin a sawi a ni. Indonesia rama Kristiante chungah hleilenna a thlen nasatna ber chu West Java Province-ah a ni a. West Java Province hi Indonesia rama mipui bitna ber hmun niin Jakarta awmna hmun a nih bakah Islam firfiak pawl, Darul Islam inkuhna hmun a ni baw a. He province bikah ringawt pawh hian kum 2011 chhung khan sakhaw tenau chungah hleilenna hi tum 160 lai a thleng a ni.

India ramah pawh kum 2011 kha Kristiante tan kum tha a ni chuang lo. India rama Kristiante chungah kum 2011 chhung khan tum 1000 lai hleilenna a thleng niin *Catholic Secular Forum* chuan an chhinchhiah thu an puang a. Kum 2011 chhunga Kristiante chungah hleilenna thleng an chhinchhiahna *'The report, Rising Anti-Christian Violence-2011'* an buatsaih an tihchhuaha an tarlan danin heng hleilenna 1,000 thleng zinga 250 phei hi chu Kristiante mal beih tuma hma lakna liau liau niin an sawi a. India ram state hrang hrang zingah Karnataka state chu Kristiante tan hmun him lo berah ngaih a ni a. kum 2011 chhung khan he state-ah ringawt hian Kristiante chungah hleilenna tum 49 a thleng niin Evangelical Fellowship of India chuan a tarlang a. Karnataka state khawpui Bengaluru-a hmunpui nei *The Global Council of Indian Christians* (GCIC) chuan nikum Krismas leh kumin Kumthar inkar chhung ringawt pawh Kristiante chungah hleilenna hi a tlem berah tum 6 lai a thleng hman niin an sawi.

Hetih lai hian khawvel ram hrang hrang zingah Sudan leh Nigeria (Africa khawmualpuia awm ve ve an ni) ramte chu Kristiante tihduhdahna thlen nasatna ber leh Kristiante tana hmun him lo ber ram niin Open Doors chuan an puang a. Ram mala Kristiante tihduhdahna thlen nasatna ber leh Kristiante chenna atan ram him lo ber chu Sudan hi a ni. Sudan ramah hian nikum July thla khan hmar lam a tanging Sudan chhim lam hovin an inlakhran thu an puang a, hemi a tang hian chhim leh hmar sipaite chu an inkap nghal a, hetiang karah hian sipaiten kahhlum an tum ber chu he rama Kristiante an ni tlat hi a mak hle a ni.

Nigeria ramah chuan nikum chhung khan Muslim-hovin Kristiante chungah tihduhdahna an thlen nasa hle a. Kristian pungkhawm pawng kah chiam te, Pastor man, ruk bo leh thah te, biak in halsak leh bomb hmanga beih te, Kristian mana tan ina khungte a thleng zing hle a. Kumin kum tir lam khan Kristiante chuan mahni inveng tura hma lak an tum ve tawh thu an puang nghe nghe a nih kha.

- *Christian Today*

Buhmun aţangin :**JUBILEE MODEL HIGH SCHOOL,
JONAI - REPORT TAWI**

– R. Lalringliana,
Headmaster, JMHS, Jonai

A awmna : Jubilee Model High School, Jonai hi (EOC Manipur) enkawlina hnuaiah kum 25 a awm hnuin kum 2011 aţangin SMB-in thawktu dahin kut a thlak ţan a. A/AMF (West) chh  ngah, Dhemaji Dist. Arunachal Pradesh East Siang Dist. Pasighat bial chh  ng niin, ramriah a awm a. Khaw lian leh mihring tamna niin, NH 52 paltlang, SDO (Civil) in a ţhutuilh a ni.

School lam : KG I aţanga Class X thleng awmin, zirlai 372 kan nei mek. IV grade 3 chauh kan nei, kan indaih lo takzet a ni. Dinthar leh ngai a nih vangin hawina lam apiangah thawh tur a awm. Hostellers 43 an awm, HSLC result 2011 khan 87% passed a ni.

Puih kan ngai e : School (80x20) sak mek a ni, hnathawktu awm loh vangin chawlsan rih a ni, repair & maintenance hna thawh tur a tam hle. Work camp wavi khat mah kan la dawng lo. Mizoram aţanga a hlat vang nge tlawhtu pawh kan nei ngai lo. Blackboard-ah zawhna ziakin naupangte an in-exam ve ţhin. Compound lian ţha ve tak mah se, hungna

mumal awm lo a ni a, ran chi tinreng lo l  tin bawngte an rawn thlung tawp mai ţhin. In chhungah bawngte, kelte kan   m zuai zuai reng mai.

Ringthar : Pu Guluk Doley (Mising) Chondrapur (6 kms from Jonai) khaw Chief chhungkaw hung tak mai chu a dam lova. A inentir, doctor-in a chawh chu eiin, *wrong treatment* a lo ni a niang chu, a taksa vei lam hi zeng tur angin a awm a. An mangang chu Dibrugah-ah an kal a, mi pakhat hian a lo   npui a, Christian Hospital-ah admit a ni a. Chu damdawiinah chuan khum tam tak awm mah se, a mutna khum zawnah chuan Lal Isua thlal  k lian tak mai hi a lo int  r a. Tichuan, a mumangah hian Pathian

Thlarau inlarna, Kristiante Pathian chuan tidam ngei turin a hmu a. A tukah chuan, “Kristiante Pathian tanpuina vangin ka dam dawnin ka hria, ka mumangahte pawh ka hmu” tiin, a chhungte pawh a hrih nghe nghe a. Zawi zawiin a lo tha chho va, damdawiin a tanga an chhuah hnuah Evangelist-ten Pathian thunen an kawm a, Isua ringtu nih a duh ta a, “Kristiante Pathian vangin zêng mai tur leh thi mai tur chu ka dam chhuak leh ta a. Kristianah ka inpe duh a ni,” a ti a. A chhungte zawng zawng nen baptisma an chang ta a ni.

- 1) Baptisma chang zat :
Puitling 11,
Naupang 2 = 13.

- 2) Chantirtu :
Rev. Zaithanmawia
Pachau,
Pasighat Pastorate.
- 3) Baptisma chan ni :
11.10.2011 (Tue)
- 4) Khawhming: Chondpur.

Pu Guluk Doley (53) hian, “Ka dam hunah kan khaw pum pui hi Lal Isua chanchin ka hrih ang a. Kan compound-ah Biak In kan sa ang a, kan khaw mipui zawng zawng pawh hi Kristianah an inpek duh ngei ka ring,” a ti. An inthawina hmanrua zawng zawng pawh hemi ni hian halral a ni ang. Kohhranhoten i tawng taipui ang u.

A PA PUITHIAM, A FAPA KOHHRAN UPA

– Rev. B. Lalthlamuana,
Tuidu, S. Tripura

Pathian hnathawh dan hi chu a mak ngawt mai. Thil thleng tura ngaih reng reng lohte pawh a thlentir tlat zel mai si a. Mi sawi ni se chuan awih har ka ti viau ang a; amaherawhchu, Upa hi keimah ngeiin ka nemngheh a ni miao mai bawk si. Hei hi Udaipur Pastor Bial, South Tripura Bangphai Kohhrana thil thleng a ni. Kan sawi tak ang khan Bangphai Kohhran hi South Tripura a Udaipur Pastor Bial chhunga kan Kohhran pakhat a ni a. Kohhran member 76 an awm mek a ni. Tin, thawktu

voluntary worker-in a thutchilh mek bawk. Bangphai khua hi Molsom/Mualthum hnamho awmna a ni a, an khuaah hian a tam zawk chu ringlo an la ni. Heng ringlote hi ringtua siam tumin tunah hian kohhranhoten an thiam dan ang angin tan an la ve mek zel a. Ringlo inah te inkhawm an dil a, Pathian thu sawinate neiin theihtawpin Lal Isua an hmuh theih nan an tawngtai sak thin.

Hetianga nasa taka Pathian an auh thin vang hi a ni ngei ang dodalna an taw lo mai ni lovin a khaw mi ringlote hian Kristiante tawngtaina hi an ring em em a, an damloh nikhuaah pawh inthawi mai lovin Kristianho tawngtai turin an sawm thin a, an dam phah fo bawk thin a ni. Kristian awm sate hi a tam zawk chu nu leh pa Kristian la ni lote an ni a, heng hian kohhran thiltihnaah eng emaw chen chu harsatna a thlen ve thin. Chhûngkuaa thuneitu berte ringlo mi an nih tlat thin avangin harsatna lian tham lo chu an tawk ve zeuh zeuh thin a ni.

Kum 2010 South Tripura Presbytery Inkhawmpuiin a

phalsak angin Bangphai Kohhranin Upa an han thlang ta a. puithiam fapa ber mai chu thlan tlin a ni ta. Kum 2011 Presbytery-a nemngheh tura chhawpchuah a nih angin, kum 2011 Presbytery Inkhawmpui, Tuidu Kohhrana neihah nemngheh a lo ni ta a ni. Upa Alebaigo Molsom hi kum 2003 a baptisma chang a ni a. Tlangval la niin tunah hian kum 25-na a hmang mek a ni. Amah hi tlangval fel tak mai a ni a, Kohhranah pawh a khaipa berte zinga mi a ni mek a ni. Unau 7 niin an unau zingah a mi lai a ni a. A naute pahnih nen Kristianah an awm mek a ni. A pa llatchoron Molsom hi Bangphai leh a chhehvel khuaa ringlo hote puithiam (hoda/Ochai) rinrawl ber a ni a. An in chhûngah pawh puithiam thum eng emaw zat chu hmuh tur a awm a ni. Puithiamte hi an pawimawh em em a, damloh nikhuaa inthawina hlantun an nih mai piah lamah mi mal leh khawtlanga buaina a awmin thubuai remtu an ni tel bawk. Tin, khawtlang mipuiin an zahin an thu leh hla pawh an ngai pawimawh em em a. Ochai/Puithiamte hi khawtlang mipuiin kum tin vawi khat tal

an hna tul apiang an thawhsak thin a ni. Chutiang taka chanvo pawimawh chelhtu fapa ngei mai chu Pathianin Kohhranho enkawltu a tan a thlang tlat mai a nih chu! Hei mai hi a la ni lo, a fapa Kohhran Upa a nih mai bakah a naute pahnih Kristianah an inpe a, keimah ngeiin baptisma ka chantir nghe nghe asin. Pharoa thinlung khauh tak mai tinem theitu Pathian khan a puithiampa thinlung pawh hi a tinem a ni tih loh rual a ni lo. Kohhranhote nasa taka tawngtai thinna hi a thlawn lo a ni tih hi a va lang chiang em!

Kum 2010 South Tripura Presbytery Inkhawmpuiin a phalsak angin Bangpai Kohhranin Upa an han thlang ta a. puithiam fapa ber mai chu thlan tlin a ni ta. Kum 2011 Presbytery a nemngheh tura chhawpchuah a nih angin, kum 2011 Presbytery Inkhawmpui Tuidu Kohhrana neihah nemngheh a lo ni ta a ni. Nemngheh a nih kum leh ka Moderator kum a lo inang

zelte hi vannei ka inti takzet a ni. Tichuan, kan Lalpa Isua Krista taksa, Kohhranho enkawltu lu ber hmingin leh Presbytery thuneihnain puithiam fapa Alebaigo Molsom chu Krista Taksa, Kohhranho enkawltu, dam chhunga Kohhran Upa ni turin kan nemnghet ta. Lalpa chu fakin awm mawlh rawh se. He thil thleng mak leh ropui tak mai hi Kohhranhote kan tawngtaina rah a ni. Chuvangin, kan Upate chhungkuaah leh Bangphai khawtlangah Pathian hnathawh mak a lo lan chhuah zel theih nan Kohhranhotein i tawngtaipui zel ang u.

*Pathian thil rel dan chu,
A va mak em!
Hriat phak rual loh a ni,
A tum zau zia;
Thil te ber pawh a veng,
Van thil a rêl kim e;
Pathian ruat ang zelin
Engkim a thleng.*

KAN MISSION RAWNGBAWL DAN HI

– Rev. Lalngaihawma,
Ambassa, Tripura

Kan kohhran hi Chanchin Tha hril ngai pawimawh Kohhran kan ni. Pathian hruainain Mission Field pawh kan nei pung chho ve zel. Chanchin Tha hrilna kawnga kohhranhote inpekna hi a lawmawm takzet a ni. Mission rawngbawl naa kan than zel lai hian kan rawngbawl na kan inen let ve fo a tul awm e. Tun hma lam a tang khan kan beih dan kawngah ngaih dan insual lian deuh deuh chi hnih a awm ve reng a. Chung thilte chu tun tumah hian khel kan tum dawn a ni. Kan rawngbawl na kawngah hian chakna lai leh chak tawh lohna lai kan nei ve ngei ang. Titi leng vel leh mi thenkhatte tangka kan hriat thin a tangin kan rawngbawl dan thil letna kan nei ang. Kawng tha zawk leh hlawk zawk kan neih phah theih chuan a lawmawm hle ang a, chu bakah kan mission rawngbawl naah ngaihtuahna thar kan sen theih phah pheih chuan a hlawk hle ang. Thutlukna siam kan tum lem lo ang a, kan ngaihtuah zui atan leh vei zui atan a ni ber ang.

Church planting chungchâng : Mi thenkhat chuan “Ramthar field a ni” an ti a. Kan rawngbawl na hmuna mite hi Hindu an ni tlangpui a, anni chu un-organize church an ni a, anmahni inah leh remchang dangah pathian an be ve thin. Kristianten Kohhran kan zuk dinsak a, theihtawpa organise kan tum a. An hnam zia nen a inmil lo

va, hei vang hian kan ringtharten an chak loh phah a ni an ti. Thenkhat chuan kohhran mi ni ngai lo kha kohhran kan zuk dinpui a, theihtawpa kan kaihhruaia, kan enkawl an ngai a ni an ti bawh a, a khawi zawk hi nge dik ang a, a khawi zawk hi nge practice ila kan rawngbawl na in a hlawkpui zawk ang, tih hi ngaihtuah zui ngai tak a ni.

Baptisma chantir thuai thuai chungchang hi : Mi thenkhat chuan ramthar field-a baptisma kan chantir thuai thuai hi a dik lo an ti. Ringtu nghetah siam phawt a, chumi hnuah baptisma chantir phawt tur a ni an ti. Baptisma chang kher lova Kristiana siam dan kawng a zawn theih an ti a. Lehlama mite ve thung chuan, “Baptisma chang duh na na na chu chantir mai tur a lawm, an chan hmasak zet loh chuan Kohhrana tel an in thlahrung a, ringtu ngheta siam theih pawh an ni lo an ti ve bawk a. A khawi zawk hi nge kal pui ila tha ang, tih hi ngaihtuah zui ngai tak a ni.

Mission Strategy chungchang hi le! : Mi thenkhat chuan kan kohhran hian mission strategy a nei lo. kan thiam dan danin kan bei tawp mai a, hma thlir mumal pawh kan nei lo, ruahman lawkna pawh kan siam ngai lo an ti a. Chutih lain thenkhat ve thung chuan kan beih dan dan hi strategy chu a ni mai. Ringlote ringtua siam hi kan strategy chu a ni mai. Inkaihhruaina mumal tak kan nei a, hei bak baka strategy dang a awm thei tawh chuang

lo,” an ti bawk. A khawi zawk hi nge pawimawh zawka kan hriat, hmasawwnna tur kan nei nge kan kal mek dan hi a tha tawh, tih hi ngaihtuah zui a ngai.

Culture chungchang ve thung hi le! : Mi thenkhat chuan, “Kan Chanchin Tha hril danah hian Mizo culture centre-in kan hril nasa lutuk a. An hnam nunzia kan hnawh a, a ram mite nunzia zulzuia Chanchin Tha hril kan hlam chhiah. Chutiang ni lovin an hnam ze mila kan hril a tul, Mission compound hi ti bovin, an zingah kan chen a tul. An zia anga kohhran din te, context mila hrilte a tul tawh. Kristianna hi mikhual lo thei tur zawngin an hnam ze milin kan hril a ngai. Sap hovin India ramah khawthlang culture milin Kristianna an rawn pu lut a; chuvangin, Indian-ho chuan foreign religion-ah an ngai, an tui thei lo a ni,” an ti. Lehlam pawl ho ve thung chuan, “Kristian culture chu universal culture a ni a, eng hnam pawh a huap thei vek. Kristian ni ngai lo culture a tanging Kristian culture-ah kan hruai lut tur a lawm,” an ti ve bawk a. A khawi zawk hi nge practical a dik zawk zawk ang a,

kan rawngbawlnain a hlawkpui zawk ang, tih hi ngaihtuah zui ngai tak a ni.

Holistic Mission chungchang aw..

: Mi thenkhat chuan, “Kan rawngbawlna hi huapzo a ni tur a ni. Tuna kan rawngbawl mek danah hi chuan an thlarau lam chauh kan ngaihtuah a, an ni tin mamawh phuhrukna zawngin rawng kan bawl lo. Tisa leh thlarau hi an inzawm tlat a, thlarau lam chauh ngaihtuah hi a taw k zo lo, an tisa mamawh phuhruk tel pawh a tul. Chuvangin, tisa leh thlarau huapzo hi nasa takin kalpui a tul, liberation theology-te pawh kan tih ve a tul a ni,” an ti. Lehlam pawla mi ve thungte erawh chuan, “An thlarau nun hi a pawimawh ber a, Chanchin Tha kan hril a, ringtua kan siam hi kan hna pui ber a ni. An khawvel lam nun thlenga kan buaipui nasat lutuk chuan kan da zo vang a, chu mai bakah an thlarau lam thil aiin tisa lam thil kan

ngaih pawimawh phah zawk ang,” an ti ve mek baw. A khawi zawk hi nge dik a, a khawi zawk hi nge practice ila Pathian ram zauh nan tha zawk ang, tih hi ngaihtuah zui a ngai a ni.

Ramthar tana Biak In sak chungchang ve thung hi

le? : Mi thenkhat chuan biak in kan sa nasa lutuk hi a tha lo, an mahni intodelh turin kan enkawl a tul, an biak in chu anmahniin an sa ve tur a ni. Ramthara mite pawhin Mizoram lamah kut kan dawh nasa lutuk. Mizoram lama mite pawhin ramthar lamah kut thlâk kan intihhmuh a, kan bei nasa lutuk a, hei hi kan la zo lo vang,” an ti. Chutih laiin lehlama tang ve thung chuan, “Biak in pawh la nei ngai lote Biak in sak sak a tul. Kan ringthar ni tin khawsak harsa zawkte kan tanpui a tul, ringtharte hian thlamuantu an ngai a, anmahni tanpuitu hmel an hmuh hian an thlamuan phah. Kan inkhap a nih chuan mite thahnem-

ngaihna kan vaw chau zo vang,” an ti. A eng zawk hi nge kal pui ila, kan rawngbawl nan hlawk zawk anga, kan hma lam hun atan tha zawk ang, tih hi ngaihtuah zui tul tak a ni.

Hetiang thil hi sawi tur tam tak a awm thei ang, tun tumah chuan duhtawh mai ang. Heng zawng zawng hi kan rawngbawlna hlawk zawka

kan kalpui theih nan leh ngaihtuah zui atan kan rawn chhawp chhuak a ni. Mi thiam zawkte leh ngaihtuahna seng peih mite, kan rawngbawltute chawhthawh nan leh, kan rawngbawlna kawnga rilru leh ngaihtuahna nasa zawka kan senna hmanrua a nih beiseiin hetiang thu hi ka han tar lang ve a ni.

SONGOTI KHUAA SETANA NENA INDONA

- C. Lallawmawma,

E/Teacher, Tripura

Pathian thlarau hruaina leh malsawmnain Tripura Karbook Mission Field, Karbook Pastor Bial, Songoti-ah nasa takin ringthar kan pung chho a, chhûng khat member 5 awmin February-August thla thleng khan ringthar 45 lai kan lo tling chho ta. Kan ringtharte hi naupang kum 6-14 inkâr deuh vek an ni. Hetiang taka nasa hian Kristian an pûng chak ang tih ka ring phak lo. Mi thahnemngaite thilpêk leh Kohhrante’n sum leh pai min pêk a tângin Biak In kan sa ve a. Tun maiah chuan Biak In chhûng thutthleng leh maicham, pulpit-te pawh engtin nge kan tih zel dawn kan hre rih lo. Eng pawh ni se, Pathianin min pe leh mai ang tih kan ring.

Hetia ringthar kan han pûng chho phawk phawk maiah hian, Setana chuan nasa takin min bei lê a, kan ringthar zinga hmeichhe pahnih (pakhat chu nula,

pakhat erawh pasal nei hlim mai a la ni) an thluak a buai a. Kan Kohhran Secretary chu a ban ruh leh thâ, tihrawl che tha thei lovin a awm bawh. An nu leh pate’n inkhawm an

phalsak ta lo va, pathian 'OKCHAI' hnenah 'MAHADEV' (Hindu pathian) hnena inthawina hlâna ngaihdamna dilin Hindu-ah an lêt leh a. Ni 18 September, 2011 a kan inkhawm chu ni danga kan inkhawm zatve vel lek kan inkhawm ta mai a. Mahadev chu khaw bul hnai thing lian pui pui pahnihah hmun khuarin Songhoti-a Kristian an pun zel chuan mi dang panga pawh an buai anga natna an tawh tur thu kohhran mite chuan min lo hrihl a, ka thin a rim hle mai.

Inkhawm ban chuan Mahadev awmna nia an sawi thing chu chempui kengin kalkawng sât pahin Pu Sadhu Kumar, Pu Babul Tripura leh Upendro Tripurate nen chuan kan han kal a. Tlâng chhipa awm hnim leh hruin a bawh khah tlat mai hi a ni a. A vêl zawng zawng chu kan sâm faia, tawngtaina ka nei a. Mahadev chu chhuak turin ka vau va, ka hau bawk a. Hemi zawh hian kan pali a kan tawngtaiho hnu chuan kan chhuk leh ta a. Damlo leh Setana'n a tihbuaite inah chuan tawngtaina nei ila kan

ti a, anni lah chuan an duh lovin an lo phal hauh lo mai a, "Hindu-ah kan kir leh tawh, Kristiana kan awm zel chuan Mahadev a thinrim ang," an lo ti a. Beidawng takin kan haw tlang ta a. Chumi zan chuan ka mu hlei thei lo va, ka tawngtai tlut tlut mai a ni.

Ni 16 October 2011 (Pathianni)-a kan inkhawm chu kan ringthar lêt leh zinga pakhat chuan lêng turin min sâm hlauh mai a, kan va lêng Pu Babul Tripura chuan tawng letlingin tawngtaina a nei a, kan haw leh ta a. Ni 22 Inrinni chuan Biak In sain hnattlang kan nei a, kan hnathawh buai lai tak chuan kan nula buai, damlo tawngtai turin minrawn ko a, keimah ka inen a, ka insit hle a. Hna kan thawh zawhah kan lo kal ang ka ti a; mahse, a hnu darkar hnih velah chuan tlangval pakhat hi hmanhmawh takin a lo kal a, "A thi dawn, a thi dawn," arawn ti ta mai a, berh luai chung chuan kan tlan pheih a, damlo chu a chil phuanin a lo tal nasa mai a, mite chu tual khatin an lo awm a, damlo lû chung kut ngat chuan mahni insit leh hlauthawng tak

chung chuan ka ñawngtai ta a. Ka ñawngtai zo chu, “Ka dam e” a rawn ti a, a lo tho chhuak a, a mak ka ti hle mai a. Lalpa chu fakin awm rawh se. Hetih lai mêk hian kan nu pawh in lamah damlovin a lo awm a, hawng hma turin min rawn phone a.

Setana’n hna a thawk nasa hle mai. Kan in chhûng ngei dam lohnain min tlâkbuak a, kan ringtharte an nâ, an buai, Hindu-ah an inlet leh bawk nen, rilru a hah duh hle a ni. Ni 23 Oct. (Pathianni) chuan inkhawm pawh a nuam hle. Ringthar lêt lehte an lo lêt

leh vek a, Pu Upendro nupui damlo pawh Pathianin min tihdamsak a, Sanhoti-a Setana nen kan indona hi heng lo pawh tam tak a awm, ziah vek sen a ni lo. Lalpa’n chakna leh huaisenna min pêk avangin he indonaah hian ‘HNEHTU’ kan lo ni ta. Hneh chung zelin rawng kan bawl zel dawn a ni. Setana huat thama rawng kan bawl chuan harsatna leh buaina kan chungah a rawn thleng thin tih hi ringtuten kan hriat a pawimawh hle. Lalpa chu fakin awm rawh se.

PATHIAN THIL MAK TIH

– *Lalrelliana Fenate,
Hamren, Karbi Anglong*

Vawi khat chu kan bial chhûng chanchin hi ziaak ve ang tiin ka ngaihtuah thin a. Ziaak tumin pen kan lek kânga, ziah tur kan ngaihtuah khawm ñeuh mai thin a. Mahse, kan thlir nawna thil thar leh danglam a va ni lo em, hengte chu mi hriat tlanglawn sa, mi tih ang tho a lawm, Ramthar chanchinbua chhuah tur meuh chuan a va bengvarthlak awm lo ve ka ti a, thu ropui tak pawh ni si lo, mi dang hip tur khawpa danglamna pawh nei chuang lo; tlâwm taka feh chhuaha, tlâwm taka sawi leh tawp mai thin te a ni a. Nilêng chuan zan riakin kan feh chhuak ve bawk a, zan riah buhfai leh mutbu nen, bungbel ken ngai bawk nen, motor kal theih bakah kein kan han kal leh a. Ei rawng inbawl chawp turin thlenna tur mumal awm lo nen mi varandah

hul lai chuh tawh tawh chang a awm a. Inthiarna mumal a awm loh avangin kan êk a chhuah pawhin khaw thim hun nghah hram hram a ngai thul. Vangvat leh thosi lah chuan kan thisen hi a tui bikin an ring nge mikhual kan nih avangin min zuam bik nge nia Mizo missionary an duh hrim hrim tih pawh hriat loh, inthiar chhûng tal chu lo awm mai mai se ziaawm tur, chuti teh nuaih chuan kan vak darh a, kan haw khawm leh a. Lenna tur zawngin kan chhuak leh a, kawm tur kan zawng a, kan hmuh chhunah tawng kan thiam tawh loh vangin kan duh ang kan la sawi lo zui bawh si. Hetiang teh nuaih kan ni thin chung hian kan zinga tel ve duh; Kristian nih duh an awm leh tlat mai thin hi eng

vang nge; eng nge a chhan tiin kan ngaihtuah thin. Kan zinga tel ve an duhna tur khawpin thil tihsak kan nei lo va, eizawna ngelnghet an nei theih nan kuhva huan/hmunphiah huan siamna (Mission-in Social Action) kan ti thei rih si lo. Kan zinga an tel ve avang hian an khawsakna te awlsam sawt dawn se chuan....ni lo, chutiang a ni lo. Kan pawla an lo luh chuan khua a tawng an hnawtchhuak dawn tih an hria. An chhûngkua a tawng pawhin hnawhchhuah tur an ni tih pawh an hria. Chuti chung chuan chuti ang mi chu kumin August thla thleng khan mi pariat lai Hamren bialah hian kan nei, hei hi 'PATHIAN THILMAK TIH' a ni. Lalpa chu fakin awm rawh se.

Thian dun titi

Pa pakhat : “Thianpa, ni khatah hian kuhva manah eng zat nge i hman le?”

Thianpa : “Ka chhût ngai lem lo, chawhrualin Rs. 50/- man chu ni tin ka ei mai thei.”

Pa pakhat : “Kuhva mana ni khata i sen ral pawh Ramthar Chanchinbu thla khat lâk man lai zu nia le!”

Sermon :**THUPEK ROPUI***– Rev. V.L. Zaithanga*

Lal Isuan a zirtirte hnena a thupek hnuhnung ber : “Ram tinah kal ula, Chanchin Tha hi hril rawh u,” tih hi Thupek Ropui tia sawi thin a ni. Engvangin nge Thupek Ropui an tih? Thupek

Ropui an tih chhan pali chu hengte hi a ni:

1. Thupek chhuahna hi a ropui avangin. He thupek hi Pathian hnen a tanga lo chhuak a ni (Joh. 3:16; I Kor. 1:18; Rom 1:16)

2. A huap zau avangin a ropui a ni. Khawvel pum pui leh khawvel mi zawng zawng huapa thupek a ni (Mk. 16:15; Lk. 2:10).

3. A thuchah avangin a ropui a ni. Chu thuchah ropui chu Pathian hmangaihna a ni. Pathian thu a ni; Pathian Thu chu thu nung thilithei a ni (Heb. 4:12).

4. Lal Isua Krista, lei leh van Lalber thuchah a nih avangin a ropui a ni (Mat. 4:17, 23; 28:18).

ZERO PRINCIPLE : Eng mah lo hi Lal Isua nen chuan hlu tak a ni. Eng mah lo hian

hlutna eng mah a nei lo. Mahse, Lal Isua nen chuan engkim a ni. Keimahniin eng mah kan ti thei lo (Joh. 15:5, 7-10) Eng mah ti thei lo chuan Isua nen engkim a tih theih (Phil. 4:13).

Petera chuan zankhuain len a deng a, sangha pakhat mah a man lo, Lal Isuan len deng turin thu a pe a, “Lalpa, zankhuain len kan deng a, sangha pakhat mah kan man lo; mahse, i thuin len ka deng leh ang,” tiin a chhang a. Len chu a deng leh a, sangha tam tak a man ta mai a. Lal Isua nen chuan engkim kan ti thei a ni (Lk. 5:1-11).

Lal Isua tel lo chuan ‘Zero=eng mah lo’ chuan hlutna reng a nei lo. Zero hmaah 1 (Isua aiawhtu) dah ila, eng mah lo kha 10 a lo ni ta. Zero dang han dah leh la, 10 chu 100 a lo ni ta mai! Chutiang zelin a tam chho zel a ni.

KRISTIAN=CHRIST+IAN : inngaih chuan eng mah kan
 Kristian chu Krista leh eng ni lo. Eng mah kan ti thei lo.
 mah lo (I AM NOTHING) Eng mah ni lo leh eng mah ti
 inkawp hi a ni. thei lova kan inngaih hian, Isua
 Krista hnen pan ila; Amah nen
 Eng emaw nia kan inngaih engkim kan ti thei thin.
 a, eng emaw ti theia kan

MISSIONARY-TE CHANCHIN THA TAWKTARH **II Kor.4:10**

– Rev. S. Lalkhuma

Chanchin Thaa mi dang ringlotute man kan tumnaah hian kan man theihna tur atan hmanrua chi hrang hrang kan hmanng thin a, ChanchinTha thang kan kam a, chu thangah chuan awhtir kan tum a ni. Eng tawktarh nge tha ber ang le? Sava awh nan Thangthlêng kan kamin a hum kiangah chuan theirah an duh zawng kan tawktarh a, an ei paha an fûkna tur thangthlêng dawh kan dah chu a thang valh kan thutir a. Sava lo kal chu a dawhah a fûk sazu chu a chepbet thin. veleh thang a per a, a valh ba Sakhi thang kan kam erawh chu a perh zip a, a keah a awk chuan a kal fona thin kawng, thin. Thang kam thiam lo a tumah a rah per turin a valh chuan a per hmain sava lo ba hmuh theih lohvin, lei thlawk khan a tawktarh theirah hnuaiah kan dah a, a thang kha a chu zo vek thin. kan kam thin. A lo kal a, a rah Tawktarh tha hmanga thang veleh a per a, thang ngulin a kam thiam nih a tul thin. Tin, ke a inhlingin a perh zip thin. sazu awh nan thirthang Tun laia Pathian rawng kan dawhah sa them kan thlung bawlnaah hian Mizoram kohhranten missionary ni turin bet a, ei tura a chung a rawn min han thlah chhuak a, min chuan veleh thirthang a per a,

ṭawngṭaipui zui baw k a. Missionary inti takin field kan pan ṭhin. Field kan va thlena ringlote ringtua siam kan va tumnaah hian kan tawktarh hman tur kan han ngaihtuah a, thil chi hrang hrang kan ngaihtuah ṭhin. Ṭawng kan la thiam hma pawhin Pathian hnenah ringlote ṭawngṭaisakna va neih hi kan tih tur pawimawh tak ni awm tak a ni. Tin, damlo an awma ṭawngṭaisak an duh phei chuan kan tih tur liau liau a ni. Missionary tam tak chuan a tih pawh an ti ngei reng a.

Amaherawhchu, field kan han thleng a, mahni khua leh in chhûng lam ngaihna avangin kan cell phone kente chu a chawl hman ta mang lo va. Thawh dan tur kan han ngaihtuah a, ṭawng hrangte a lo nih avangin tih ngaihna kan hre mang lo va, kan ṭawng hriatten a lo daih tawh baw lo nen, lunglen lo zual tawlh tawlh nen khua a har ṭan hle a. Kan tih theih chhun ang hna hotute min pek chu han ti baw ṭhin mah ila, ringlotute

ngaihtuah zui zel lam aiin mahni châk zawng, duh zawng leh nuam tih zawngte zui mai a awl ṭhin. Missionary pakhat chu an compoundah eng nge lâi i tih ber tih ka zawt a, ani chuan, “Sikul bana badminton khelh chungchang a lâi ber” a ti.

Missionary-te kan inenfiah fona tur chu, atira kan chhuah laia kan tuina kha kan la vawng em tih te, ringtu nun kawng leh missionary nun kawng hlaa uar taka kan sak ṭhin kha a tak taka kan nunpui dawn hian, kan nuam tih zawngin a tichau leh mai ṭhin em tih te a ni. Mission field-a kan va tawktarh hmasa ber atan chuan ṭawngṭainaa Lalpa rawn zel chungin tih dan pangngaia ṭawngṭai mai ni lo, Lalpa âw hre tak tak zelin kan râwn aṭul a ni. Field tam takah sikulte kan hawng a, thil chi hran hran tawktarhah kan hmang a; amaherawhchu, a thang ber kan kam ṭhat loh chuan an awh hmain an ei puar ang a; min kalsan leh mai ṭhin ang

ti h a hlauhawm. Tawktarh tangkai kan hmang mêk em ti h enfiah ila, sum tam tak senga ringlo mite chawm tlai ringawt hi mission thenkhatin duhtawh mahse, keini Mizo mission hnaah hi chuan ringlo mite chhandam ngei loh hi chu kan mission hnaah hian kan duhtawh lo a nih hi maw. Varanasi ka thlen tirh hian Hindi tawng kan thiam lo va, lehkhah kan chhuah ve ta ngawt a, "In thlarau leh taksaa damlohna leh harsatna neite chu lo kal ula, Pathian nung hnenah englai pawhin tawng tainain kan lo thlenpui ang che u, kan Pathian hi Pathian nung, tidam theitu a ni," tiin. Chutianga rawngbawl tan chuan kum 7 zet chhung chu tawng taina hmanga Chanchin Tha hril zel a, mahni intawktarh hna kan lo thawh ve ta a, Lalpan nasa takin mal a sawm a ni.

Missionary zawng zawngin tawng tainaa Pathian dawr theitu nih leh mite harsatna Pathian hnena ringhlel hauh lova thlenpuitu

nih a tul. Thiante ti h tur leh mi dang hnaa hnawn chi a ni lo. Mahni intawktarh ngamin mualpho hlau miah lovin Setana ral hi kan do zel a pawimawh. Kan thawhsaka te pawm theih leh ngainat Mizo missionary zingah hian engzat nge awm ang i le?

Kan thawhsakate zir chian a tul. Sakhi leh sakuh rahtlan kawng tumah thang kamin a awk duh a; mahse, a awhna thang valh ba erawh thup a tul. Mi zawng zawng hian ti h than kawng leh ngainat zawng kawng kan nei theuh va, kan awh tuma te kha eng kawng berah nge an kal ti h hriat a, an tui zawng thilah chuan chenpui phawt a, Chanchin Tha thang valh keng chungah beih tur an ni. Mi an pawma mi an rin hun chiahah Chanchin Thaa awh tumin kan hling ve tan tur a ni. Amaherawhchu, missionary tam tak hian a khân lai pawh hre lovin kan veh kual nasa lutuk a, a enga mah kan awk mumal thei lo a ni. Chanchin Tha thang aia kan field

chhunga thil dang buaipui lah mek em? A hming put mai te
 bo lo. Mahni field theuhvah hi kan lo duhtawk mai palh
 hian inenfiah ila, min tirtu ang e. Ram lak tur lah a la tam
 tih chhan kan thawk chhuak hle si.

KAN THEN TAK VANLALPARI CHANCHIN TLANGPUI

Pi R. Vanlalpari hi Pu Germanliana (L) leh Pi Thangdailovi (L)-te fa pakua zinga parukna ni turin kum 1962 khan a lo piang a, an unau hi mipa 6 leh hmeichhia 3 an ni. Pi R. Vanlalpari hi naupang kum li vel a nih lai a tang tawhin tang tai leh chung inkhawm ngai pawimawh em em thin a ni a, kum 1980-ah Matric a exam dawnin Pi Buangi rawngbawlnaah Kum 1981-1983-ah Tuipuibari-ah Home Mission Board tirhin Missionary-in a kal a, a hlawn Rs. 300 hi Home Mission kal tlangin Upa Lalhmingliana (L) (W. Phaileng Store keeper thin) tumsak a ni. 1984-ah pawl sawm a zir tha leh a, 1985-ah Gurguti Bairabi Bial Tuikuk hnam zingah Synod rawihin a thawk a, 1986-ah Teirei Forest khuaah sawn leh a ni a, 1988 Dec.-ah H. Rotluanga nen Kohhran dan thianghlimin a thawhna Teirei Kohhranah an innei a, fa pahnih Reuben Lalremruata leh Mimi Remlalmuani an nei. 1989 -ah Saihapui Kolasib Venglai bialah sawn a ni a, chuta tang chuan 1990-ah Tupuibari lah sawn a ni leh a, 1991-ah DIET-ah a training-a. Kum 1992-ah Tereiah baw a awm leh a. 1996-ah Zomuantlangah a awm leh a, 1997-ah W. Phaileng Presbytery Inkhawmpui an kal hlana Bru buai avangin an let thei ta lo va, 1998-ah Chhimluangah sawn leh a ni. Kum 2001-2004 chhung Damparenguiah a thawk leh a, 2005-ah Missionary a training a, 2006-ah Arunachal East New Khamlang-ah sawn a ni. January 2011 khan Tezpur, Assam Mission Field-ah sawn luh ni lehin a thih ni thlengin hetah hian a thawk ta a ni.

A nat dan tlangpui : Sept. 7, 2011 khan a pum lam a sawisel tan a, 11 Sept khan damdawiinah dah luh a ni a, a thisen

www.mizoramsynod.org

Report :**BARAK AREA MEITEI GOSPEL SILVER JUBILEE***– Revd. R. Lalengkima*

Ni 15 September (Thu), 2011 khan Barak Area Meitei Kristian (Presbyterian) hovin Joint Pastorate Annual meeting neih pahin an Gospel Silver Jubilee an lawm a; thu sawi tura min sawm ve avangin thian pathum, Upa M.C. Zopianga, Pu C. Sawivula leh Pu T.C. Lalnunmawia te nen kan kal ve a. Zana an Silver Jubilee lawmna programme hnukung berah thusawina hun min pe a, ka lawm tak meuh meuh a ni. Heta kan zin chungchang ziah pah hian Cachar (Barak) area-a Meitei zinga Chanchin Tha hril tan a nih dan leh Kristian an lo pun dan tlangpui han ziah nghal thain ka hria a, ka han zia a ni.

Meitei zinga Chanchin Thain ram a lâk dan sawi hmain Cachar Area-a kohhran chanchin tlangpui sawi hmasa ila. Cachar-a Missionary lut hmasa ber chu Rev. William Pyrse niin hriat a ni a, kum 1851 khan a lo kal a. Kum 1856-ah Silchar-a tuna Mission Compound-ah khuan school a hawng tan a. Hei hi Cachar phaia Welsh Presbyterian Mission-in rawngbawl na a tan dan a ni. Bengali ringthar hmasa ber Ganga Prosad chuan July 25, 1895-ah baptisma a chang a, Bengali Pastor hmasa ber Rev. Hem Sarkar chu Silchar-ah 1970-ah ordained a ni. Welsh Presbyterian Mission chuan an hna chu rei vak lo

an chawlhsan a. Kum 1885 ah an chhonzawm leh a, kum 1893-ah missionary pathum Rev. T. J. Jones, Miss Elizabeth Williams leh Miss Laura Evans-ten Silchar-ah awmhmun nghet an rawn khuar ta a ni. Hetih lai hian Bengali Kristian chu mi 22 chauh an la ni. Tichuan, Bengali Kristiante enkawl hna chu missionary-ten an thawk chho zel a. Hetih lai hian Sylhet, tuna Bangladesh chu Mission Headquarters a ni.

Tichuan, India leh Pakistan an indan khan Cachar chu India ram lama a beh tak avangin Assam ram Presbyterian Synod (tuna General Assembly ni ta) hian a enkawl zui ta a. Officer hmangin

enkawl an ni a, chung Officer zingah chuan Rev. Zairema leh Rev. Lalpianga te pawh an tel a. Kum 1976 ah Bengali kohhranin Mizo Synod hnuaia awm an thlan avangin chutih laia Assembly Officer ni lai Rev. Lalpianga chu Cachar Officer vuah a ni ta a. Heng Assembly-in officer hmanga a enkawl lai hian officer-te hna ber chu kohhran awmsa enkawl a ni a, Mission leh Evangelism lam chu a tel hrih lo. Rev. Zairema'n Silchar Mission Compound hung hna khu a thawk tel a, a ram a him phah a, a lawmawm hle a ni. Rev. Zairema chu Rev. Lalpianga'n kum 1973-ah a thlak a. Ani hian Kohhran awmsa enkawl ringawt chu duh tawh lovin Chanchin Tha puan darh hna chu a vei ta a. Tichuan, Mizoram Synod-ah Cachari Project hawn a dil ta a. Synod-in evangelist pali a la a, chungte chu Chawikunga, Lalthiana, Zonunsangi leh Lalzuiliani te an ni, hei hi 1981 a ni. Hetia Cachari Project hawn a nih hnu hian Cachar Area chu Mission Field-a puang turin Rev. Lalpianga'n chak takin a rawt ta a. Kum 1985 Synod chuan Cachar

Area chu Mission Field-a puangin budget siam a ni ta a. Tun hmaa Cachar officer pawh Administrative officer tih a ni ta a ni. Hetia mission field-a puan a nih hma pawh hian Oriental High School khu mumal taka kalpui chhoh a ni bawh a. Rev. Vanlal-chhuanga Headmaster te, Pi Biaklani leh Zomawii ten an thawk a, thawktu dang Pu Ramhnehzauva leh tuna Rev. P.C. Rohlira te, Robert Thangchungnunga te Gospel Tract sem turin lâk an ni a; Bengali leh Cachari-ho hnenah Chanchin Tha chu uar takin puan a ni ta a. Tichuan, 1986 a tanging Synod in Rev. Lalpianga thlak turin min tir ve leh ta a. Mission Board budget thar hmangin bul ka tan a. Karimganj-ah Roland Memorial School leh Oriental High School, Silchar a mite kan sa chho va. Chutih rual chuan Silchar-ah staff quarters eng emaw zat sak a ni a. Cachari leh Bengali Hindu zingah chauh ni lovin Muslim lam pawh hma tel an ni a. Kum ruk ka awm chhungin Muslim mi 70 vel ka baptis hman a; Biak In pawh pahni (2) a ding hman.

Kohhran pawh kan pung zel a, kum 1987-ah Barak Presbytery Synod-in min hawnsak a. Kumin hian Barak Presbytery Silver Jubilee pawh lawm tum a ni.

Muslim lam hawi chungin Meitei lam kan bei tel ta baw a. Meitei zinga campaign hmasa ber chu 8-10 August, 1986-ah Kamranga-ah kan nei a. Speaker atan Manipur Evangelist H. Rokhon chahthlak a ni a. Hemi tum hian kan mission-a baptisma chang hmasa ber Mr. Sura Singh chu 10.9.1986-ah ka baptis a ni. Hemi hma hian Baptist Kohhran leh Cachar Hill Tribes Synod lamin tlem an lo baptis tawhin ka hria. Tichuan, Synod Mission Board-in kan ngen angin Manipur-a missionary Mizo pahnih Pu Vanlalbiaa leh M.S. Dawngliana leh field workers H. Mangijao leh M. Rajen-a te Cachar-ah an lo chhuk ta a. Meitei zinga rawngbawl hna chu beih tak tak a ni ta a. Kamranga leh Lala-ah hmun lei a ni a, quarters sak zui a ni baw. Ringtharte kan nei belh zel a, Lala (La-la) lamah tuna Upa ni ta Ch. Manigopal Singha'n baptisma a chang a,

tuna Pastor ni ta Surjo Kumar Singh te hian Kamranga lamah an chang ta baw a. Kamranga lam hi an pun chak deuh avangin biak in nei a tul ta a. Melthum Kohhranin work camp-in min rawn sak sak a, chu chu February ni 2, 1989-ah ka hawng ta a, hei hi Barak Area-a Meitei Biak In hmasa ber a ni.

Meitei zinga bial vawng Pastor hmasa ber chu Rev. K. Lala, Manipur Synod mi a ni a, ani hi Chinzapauva'n a thlak leh a. Tichuan, thawktu Evangelist leh Kros Sipate an pung zel a, Mission Centres - Bontarapur, Joralthola, Lamargram leh Jiribam-ah te hmun kan khuar ta a. Pastor Bial thar hawn belh zel niin tunah hian Lala, Kabuganj, Kamranga (Pailapool) leh Jiribam-ah te Pastor an awm tawh a ni.

Cachar Meitei Project hawn tirh laia kan khua a har thin dan te, thawh tur tam si indaih loh a nat thin dan te ka ngaihtuah a, a lunglenthlak in a lawmawm baw. Tunah chuan Pastor bial 4 lai neiin ringtu pawh 2000 chuang an ni ta. Hetia an lo pun theihna chhan hi kohhranhote inpekna

leh thawhrim rah a ni. Kohhran tam takin Kros Sipai an rawn chawm a, work camp an lo kal reng baw a. Cachar phaiah hian hnam hrang hrang zingah kohhran a la ding zel ang a, nakin lawkah chuan CACHAR SYNOD a la ding ngei ang. Hetianga kohhran leh Pathian ram thang zela a bul tumtute zinga Pathianin min hmang duh hi ka lawm takzet a ni. Kan thawh phawt chuan

Pathianin mi tlawm ber pawh min hmang duh tih a chang hlein ka hria.

Tuna Meitei ringtute khu an phurin an hlim hle a; Chanchin Tha puan darh kawngah pawh an taima viauvia a lang a, anmahniah beiseina sang tak kan nei a ni. Cachar phaia Meitei Kohhrante hi Pathianin hruai zel sela, awmpuiin malsawm rawh se.

TROIBAK CRUSADE REPORT LEH CAMBODIA

- *NI. Lalrinawmi Ralte,*
Phnomphenh

Kohhranho thawngh taina chhângtu Pathian hnenah leh kan Synod Mission hruaitute inpekna leh min thawngh taipuitute zawng zawng chungah Pathian hmingin lawmthu ka sawi e. Troibak Village-a hun kan hmannaah Lal Isua ringa zui duh mi 77 an lo ding chhuak a, Pathian chu fakin awm rawh se. Inkhawmah puitling hlir 178 zetin chaw an ei a. Troibak leh a chheh vela mi pawimawh deuh chu an kim vek awm e. Crusade hi wawi khat neihna a ni awm e, Troibak leh a chheh velah hian electric current erawh a la awm lo va. He khawtlâng tih changkanna tura hmalakna chu an Kristian awm chhun din NGO hmangin thil semna te chu an nei thin a. Tin, Malaysia a thangin mi mal mission trip-te pawh an lo nei tawh a. Phnompenh a Sharon-a leh Siamkimi lawina kohhran pawhin hmalâk a, an vision chu *new generation* an ti a, naupang lam a ni awm e. A awmchilhtu Tv. Lalrinkima a ni.

He khua kan va thlen chuan an chaw ei hun a ni tawh a, mi an lo lawmin mi an lo nghakhlel tawh hle a lo ni a. Chaw eikhamah thusawi ngaihthlak tan a ni a. A hmasa berin Sharon-a pa (Kristian la ni lo) chuan pung khawmho hnenah lawmthu a sawi a. An commune chief-in thusawina leh kan va kal avanga lawmthu sawina a nei a. Chumi hnu chuan hun chu ka kutah an dah ta a. Ka rilruah chuan, thilpêk beisei an ni ang a; kei lah chuan Chhandamna thu chauh lo eng mah ken ka nei si lo va, thusawi lai hian mi an hnawtchhuak mai anga tih rilru chu ka pu hman a. Pathian rinchanin ka han sawi tan ta a. Pathian thua luh hma chuan eng eng emaw zawhna zawtin, he khawvela kan lo awm mai dan te leh eng nge mihring hian a nun chhan tih zawhna chhanna chu an hre châk hle mai a. Tichuan, Pathian thilsiamah sawi luh chhoh a ni ta a. Thusawi lai hian an ngaithla thain mak an ti hmel chu a hmuh theih a ni. Pathianin hmeichhia a siam dan ka sawi lai phei chuan an lawm hle mai. Tawng hi

Sharon-a chuan a let a. Thusawi chhung a rei deuh naa ning hmel pu an awm lo. Amaherawhchu, kan sawi chhuah theih chhun a tam lo va, kan sawi chhun kha an hriat chuan a ni mai.

Tv. Lalrinkima hian he khuua a awm tirh a tang hian thusawi tur hian min sawm ve thin a, tun tumah hian Pu Rammawia'n Rs. 5,000/- a rawn pêk hmanga huaihawt a ni; amaherawhchu, senso a lo tam deuh avangin a daih lohna zawng chu SMB-in a rawn tum ta a ni.

Cambodia ram hi eirûk tamna ram tia sawi a ni a, anmahni phei chuan eiruah pawh an inngai lem chuang lo va, a dan turah an ngai mai a ni. Tin, ringlo an nih avangin university zirlaite leh an officer-te pawh hian sum hi an ngaihtuah a ni ber a, sawrkar hna pawh thawk mahse hmun dang dangah hian an thawk kawp mai a. He Cambodia-India Centre-ah ngei pawh hian a zirtima tak tak ai chuan a sum leh pai an lakluh theihna leh thilpêk an dawn theihna hi an ngaihtuah pui ber niin a lang. Chuvang chuan anmahni pawh hian min hrilh

mai thin a, an ramah hian sum a awm chuan engkim a tih theih vek an ti mai a. Mi tê deuhin an ei tlêm deuh mai a, a lian deuhin an ei tam deuh mai a ni. South Eastern Globe Magazine November 2008-ah chuan heti hian a inziak a, “Small man, small bribe, big man big bribe runs a popular khmer saying”. Chuvang chuan khawpuiah hian sum pawh hi a tamin an nei êm êm hlawm a; amaherawhchu, mi retheite hi an rethei êm êm thungin a lang. Sakhuana hi, anmahni sakhuana ngei pawh an la lungrun lutuk lem lo niin a lang. Kristian hi an dodal lem lo va, an ramah hian Kristian organization, foreign a tanga suport-na nei an awm nual avang hian pawn lam a tanga Kristianna an hmuh dan hi chu a thain,

mi dangte tanpuitu an ti mai a, anmahni tlêma an hlawkna tur a tel dawn chuan Pathian thu hrih tur pawh an hruai khawm zung zung thei mai a, an inhawng êm êm mai a ni.

An nunah hian zir tur tam tak hmuin ka inhria. An thilphal êm êm mai a, an zirlaite inhlawh chawpin an zir a, hun awl hi an insiam lo a ni ber mai. Entawn tlâk tak an ni.

English thiam hi hna tha hmuh nan a tangkai tih an hria a, mahni hming ziak thei lo pawhin Bachelor of English te hi an zir ve tawp mai a, an tumna hi a ropuiin ka hre thin. Pathian zârah kan zirlaite pawhin hma an sawn ve zel a, a lawmawm takzet a ni.

Min lo tawngtaipui turin Kohhranho ka ngen a che u.

RAMTHAR FIELD TLAWH REPORT

A:

1. **Field hming** : Cachar Tlangram,
Silchar Mizo Pastor Bial
2. **Khua/Mission/Centre** : Chhotasalganga
3. **Tlawh hun chhung** : 21 - 24 February, 2011
4. **Tlawhtu pawl hming** : Chawnpui Kohhran Pavalai pawl
5. **Kal zât** : 18

6. **Tlawh chhan** : Work Camp
7. **Hnathawh & thiltih** : Thawktu quarters sak
8. **Senso zat** : ₹ 18,000/-
9. **Lawmawm lam** : Kohhranhote nena thawhhona a tha a, kawng engkimah thawktute an tawiawm tha hle. An phak tawkah kohhran tan an inpekna a nasa hle.
10. **Lawmawm lo lam** : An kohhran dinna rei tawh leh upat tawh ngaihtuahin an biak in a la chhe lulai deuh.
11. **Report tûl dang** : Biak In inhnaih tain pahni a awm a, in-er angreng deuhva an awm anga lang hi siam rem theih ni se a tha hle ang.

Report petu,
Lalrinpuia Ralte, Secy,
Chawnpui Kohhran Pavalai Pawl

B:

1. **Field hming** : Barak, Jiribam Meitei Bial
2. **Khua/Mission/Centre** : Uchathol
3. **Tlawh hun chhung** : 21 - 23 April, 2011
4. **Tlawhtu pawl hming** : Chanmari Kohhran, Aizawl
5. **Kal zât** : Mipa 15; Hmeichhia 3; Total 18
6. **Tlawh chhan** : Good Friday hmanpui
7. **Hnathawh & thiltih** : Kohhran hrang hrang tlawh.
8. **Senso zat** : ₹ 19,196/-
9. **Lawmawm lam** : Kal nan hian mi 4-in motor an keng a, senso pawh a tlem phah viau va, hmun hrang hranga insem darh a remchang.
10. **Report tûl dang** : Uchathol staff nurse quarters hi kum tam fe ramthar project atana kan lo neih a nih avangin, an sak zawh tlawh paha Good Friday hmanpui a remchang a. Hemi rual hian a bul hnai kohhran te - Jiribam, Khakhonou P/S, Dibong-ah te Pastor tawiawma hun hman a ni.

Report petu,
Lalhmingthanga, Secy, Ramthar Comt.

C:

1. **Field hming** : Home Mission North
2. **Khua/Mission/Centre** : Damparengpui
3. **Tlawh hun chung** : 19-24 April, 2011
4. **Tlawhtu pawl hming** : Upper Republic Pavalai pawl
5. **Kal zât** : 31
6. **Tlawh chhan** : Work Camp
7. **Hnathawh & thiltih** : Staff Nurse quarters sak chhunzawm
8. **Senso zat** : ₹ 62,000/- vel.

9. **Thilpek** : Damparengpui Kohhran, Pastor Quarters, Staff Nurse Quarters leh Home Mission School-te mamawh hrang hrang Rs. 37,000/- man kan Kohhran kaltlangin kan pe.

10. **Lawmawm lam** : Kan thlen tirhin thawktu zawng zawngte leh Sikul naupangte, Kohhran mi thenkhatten lawm takin min lo hmuak a. A tir ațangin thawktute'n min țawiâwm țha êm êm a. An țhahnemngaihna leh inlungualna kan hmuhin a ropui kan ti. Khaw lum tak karah Pathian thiltitheihna nasa takin min hliahkhuh țhin avangin hmabak kan hlen thei chauh a ni. Lalpa chu fakin awm rawh se.

11. **Report țul dang** : Kohhran thenkhatin High School thleng an din tawh laiin keini a bul țan hmasa berin Primary School chauh kan la nei hi chu a rualawh thlak deuhvin, Class XII thleng zir theihna hawn ve a chakawm hle mai. Nikum chung khan mi 18 zetin kan kohhran an chhuahtsan tih kan hriatin kan ngaihtuahna a kal thui duh hle mai.

Lalpan malsâwm che rawh se

Report petu,

C. Lalthankhuma,

Secy, Upper Republic Pavalai Pawl

D:

1. **Field hming** : Cachar Tlangram, Silchar Mizo Pastor Bial
2. **Khua/Mission/Centre** : Luipui
3. **Tlawh hun chung** : 21-23 May, 2011

4. **Tlawhtu pawl hming** : Diakkawn Kohhran
RT. Comt., Kolasib
5. **Kal zât** : 8
6. **Tlawh chhan** : Good Friday hmanpui
7. **Hnathawh & thiltih** : Thawktu/Kohhran mite nen Pathian thua
inpawlho leh Pathian fak ho.
7. **Senso zat** : ₹ 13,604/-
8. **Lawmawm lam** : Cachar Luipui khuaah Good Friday hmang theia
min siamtu leh hruaitu Pathian hnenah lawm thu kan sawi a. Thawktute
leh Kohhranhoten min lo lawm thiam a, duat taka min enkawlnaah a
bik takin Missionary Lalchhanliani leh a thianpa Pu P.C. Lalsiamliana-
te chungah lawm thu an sawi a ni.
9. **Report tûl dang** : Cachar Luipui khua hi Silchar to Hailakandi
Road Dwarban a tanga hla lo tãa awm a ni a. In 21-ah Presbyterian in
14 leh UPC in 7 awmna a ni. Synod Mission Sikul Primary a awm a.
Thawktute chu Missionary 1, Native worker 1, Native contract 3. TT =
5 an ni. Thawktute chuan, “Tu Kohhran mah hian min la tlawh ngai lo
va, nangni kohhran hi min tlawhtu awm chhun in ni a,” min lo ti a.
Thawktute leh Kohhranhote an lo lawm êm êm mai a. Inkhawm leh
lenkhawm zawng zawngah kan hlim êm êm mai a. Pathian Thlarau
Thianghlim pawlna kan dawng tlang a, hawsan a hrehawm duh
khawp mai.

Report petu
R. Thanzuala, Secretary
Diakkawn Kohhran
Ramthar Committee, Kolasib

***Lal Isua ruala kal thiam hi thil har lo tak tur nia
lang...mah se
a chângin kan ûmpa lo va...achângin kan lehkhah fo
thin***

KUM 2012 ATANA MISSIONARY RAMTHAR CHANCHINBU LAKSAKTUTE

1. Venghlui Kohhran Committee, Aizawl	- ₹	3,195
2. Kolasib Venglai Kohhran, Kolasib	- ₹	500
3. ITI Veng Kohhran, Aizawl	- ₹	1,750
4. Sihphir Vengthar Kohhran Hmeichhia	- ₹	500
5. Thingsulthliah Kohhran Ramthar Comt.	- ₹	1,000
6. Seling Kohhran Ramthar Committee	- ₹	500
7. Vaphai Kohhran Ramthar Committee	- ₹	450
8. Biate North Kohhran Ramthar Comt.	- ₹	500
9. Seling Kohhran Hmeichhia	- ₹	500
10. Pu Lalthansanga, Zarkawt, Aizawl.	- ₹	1,000
11. Champhai Vengthlang Koh. Hmeichhia	- ₹	1,300
12. Armed Veng Koh. Ramthar Committee	- ₹	2,000
13. Tlungvel Venghlun Koh. Hmeichhia	- ₹	450
14. Zonuam Kohhran Ramthar Committee	- ₹	750

Ṭhahnemngaia missionary-te Ramthar Chanchinbu lâksak a nih hian, khawhâr taka Lalpa Gerep huana thawktuten an thlarau nun tuihal hnangfâk nan leh intih puar nan an lo hmang ṭangkai êm êm ṭhin a ni tih hre renga, tuna la lâksak ve lo pawhin missionary-te Ramthar Chanchinbu lâksak duhna thinlung pu thar zel ila. A lâksak mêktute zawng zawng hnenah Synod Mission Board-in lawm thu a sawi tak meuh a ni. Lalpan in inpêkna a hmuh hmai h hauh lo vang a, tam leh zualin malsawm mawlh che u rawh se.

Missionary-te chanchinbu lâksaktute hming târlan hmai h palh in awm leh zauh ṭhin a, Editorial Board-in hemi chungchângah hian in mi ngaihthiamna a ngen rualin, chutiang in lo awm leh palh a nih pawha inhriattir thuai tur leh insel mai lo turin a ngen takzet che u a ni e.

— — —

*“Ram tinah kal ula, Chanchin Ṭha hi hril rawh u”
Lal Isuan a ti.*

SYNOD BOOKROOM BOOKNEWS

Postal Regn. No. MZR/46/2012-2014
RNI Regn. No. 40889/88

1. Tho leh nun Krista Thlarau Thianghlrim nei

rawh u : Synod Revival Speaker sawmsarih rual zinga hmeichhe awm chhun, Jehova Jire Team Speaker Pi Vanlalngchaki chuan hun chep tak karah beisei phak hauh lohin a sermon 18 lai lawr khawm chu a buin arawn peih ta. Pathian Thlarau pawlna atanga thu luangliam a nih avangin ringtu fuihna tha tak a ni e. Aman Rs. 100/-

2. Duhthlanna lamthuum :

Mi rilru khauh tak mai, rokhawmtu hausa ni bawk Eleanor Steward chuan mahni lawmna zawngtu, mahni duh dan ngata kal thinte chu harsatna eng emaw mak tak maiin a tlakbuak thin tih ama nun ngei atangin a hmuchhuak a. Hmangaihna leh sum chan hlau baw si chungin Pi Stewardi hian engtin nge a fate nunah thutak a tuh bik tih he lehkhahu hmang hian lo zir ve rawh le. Aman Rs. 100

3. Hla leh a phuahtute :

Mizote hi zai mi kan ni. Zai rau rau chuan kan hla sak phuahtu hian eng dinhmun atang leh eng rilru puin nge a phuaha, he hla lo pian dan hi eng nge tih hre chungin zai ila. Tin hla thiangtute'n kan hla thlan awmzia hre chungin hla thlang baw ila chuan kan zai hi a tuiin Thlarau Thianghlrimin mal a sawm lehzuai ngei ang. Kristian Hla Bu-a hla 423 zette chanchin leh lo pian chhuah dan, Rev. P.D. Sena buatsaih hi Rs. 55/- man chauh a ni e.

4. Chet dan mawi :

He lehkhahu hi a that em avanga Synod High School-in zirlaibu pakhat atana an hman hial, ni tin nuna hlawkpui theih tura awm dan mawi chi tinreng inhrilhrinatna bu, Rev. Mangchhuana Sailo buatsaih hi mi tin neih ngei chi a ni e. Aman 50.

5. Priya leh kei :

He lehkhahu ziaktu hi Samson Thanruma a ni a. A ziaktu ringawt atang pawh hian mi thenkhat tan chuan lehkhahu hi lehkhahu ngaihnaawm tur a ni ang tih an ngaihawn thiam mai awm e. Silver zungbun, Ka Ni phone I&II, Samtawna sendang, Ka zui nghal e leh Thuchah, etc lehkhahu pakhat awmna bu hi lo chhiar ve chhin teh. Aman Rs. 180/-

From :
Manager
Ranhtar, Synod Office
Aizawl - 796 001,
Mizoram, India
Phone : 2325899

RAMTHAR (Mission)

To

*Printed & Published by Rev. Lalchhuanmawia and Printed at the
Synod Press, Aizawl on behalf of Ramthar Association,
Aizawl, Mizoram. Copies - 24,300*

Visit us : www.mizoramsynod.org